



Organisacion di
Pensionado Publico di Aruba

OPPA: Symposium 'Stop abuso contra adulto mayor'

DEN e simposium aki 'Stop abuso contra adulto mayor', nos a haya falta di e balentia pa muestra cu, ademas di abuso den cas, den cuidu, of den comunidad, ta existi abuso sistematico y institucional.

Gobiernonan di turno mes ta culpabel ora e no cumpli cu su responsabilidad pa proteha, yuda y duna dignidad na nos persona di edad avansa.

OPPA a prepara un lista di exigencia- y puntonan di presion cu nos organisacion ta desea pa tene cuenta cune.

1. Reconoce abuso institucional como un realidad

- Gobierno no por sigui disimula su falta di accion como si e no ta "abuso".
- Negacion di derecho, demora den pago, servicio medico deficiente, falta di control husto y eficiente den e casnan di cuidu – tur esey ta abuso cu ta pasa bou di supervision di gobierno.

2. Salud y cuidu digno ta un derecho, no un luho

- Amplia cobertura di AZV pa bril, cuidu di diente, fysioterapia, chiropractic y transporte medico.
- Supervisa y regula bon cuidu den e casnan di cuidu.

- Bira mas estricto contra abuso den cas, cu un linea directo pa denuncia sin miedo.

3. Pago husto y oportuno di pensioen y igualacion di derecho

- Exigi pago retroactivo di e 50% di e gelijkbedrag cu a wordo kita na 2020-2021.

- Garantiza aumento automatico anual segun inflacion.

- Elimina discriminacion entre pensionado publico y priva.

4. Vivienda accesibel y seguro

- Programa di vivienda adapta pa adulto mayor.
- Subsidio pa adaptacion di cas pa move y biba cu mas seguridad.

5. Proteccion legal y social efectivo

- Establece un Ombudsman pa adulto mayor.
- Duna mas recurso na Fundacion pa Personanan di Edad Avansa.
- Forma inspectornan pa investiga denuncia di abuso structural.

6. Basta cu simposium sin accion!

- Tur reunion, foro, simposium mester tin un plan di accion concreto cu fecha, responsabel y presupuesto.
- Publica un raport anual riba condicion di adulto mayor riba Aruba.

7. Dignidad humano ta base di tur trato

- Adulto mayor no ta un carga. E ta base di nos comunidad, e ta sabiduria, e ta famia.
- Tur politica mester wordo evalua segun su impacto riba e grupo aki.

Un propuesta final di OPPA: Crea un mesa permanente di dialogo entre gobierno y representante di adulto mayor.

June Local Special

25% off for locals*

*Offer is valid for local residents with a local ID. Limited to a maximum of 12 persons. Bottles are not included in this offer.

SUNSET GRILLE

Open Daily 5:30 pm – 10:30 pm

J.E. Irausquin Blvd. 81, Palm Beach | hiltonaruba.com | [@hiltonaruba](https://www.instagram.com/hiltonaruba) [@hiltonaruba](https://www.facebook.com/hiltonaruba)
+297-526 6612 | AUAHH_SunsetGrille@hilton.com